

<b>Adroddiad i'r:</b>	<b>Cabinet</b>
<b>Dyddiad y Cyfarfod:</b>	<b>29 Medi 2015</b>
<b>Aelod / Swyddog Arweiniol:</b>	<b>Y Cyngorydd Eryl Williams</b>
<b>Awdur yr Adroddiad:</b>	<b>Pennaeth Cwsmeriaid a Chefnogaeth Addysg</b>
<b>Teitl:</b>	<b>Cynnig i gau Ysgol Rhewl ar 31 Awst 2017 a throsglwyddo'r disgyblion presennol i Ysgol Pen Barras, Rhuthun neu Ysgol Stryd y Rhos, Rhuthun yn dibynnu ar ddewis y rhieni.</b>

---

## **1. Am beth mae'r adroddiad yn sôn?**

- 1.1 Mae'r adroddiad hwn yw rhoi gwybod i'r Cabinet am y broses sy'n rhaid ei dilyn o ganlyniad i ddiwedd y cyfnod Rhybudd Statudol a fyddai'n caniatáu penderfyniad i gael ei wneud ar y cynnig.

## **2. Beth yw'r rheswm dros lunio'r adroddiad hwn?**

- 2.1 Yn dilyn cwblhau cyfnod y Rhybudd Statudol, mae angen penderfyniad gan y Cabinet ynglŷn ag a ddylid symud ymlaen â'r cynnig i gau Ysgol Rhewl ar 31 Awst 2017.

## **3. Beth yw'r Argymhellion?**

Yr argymhellion ar gyfer y Cabinet yw:-

- (i) Ystyried canfyddiadau'r adroddiad gwrthwynebiadau
- (ii) Yn amodol ar ystyried yr uchod, cymeradwyo'r penderfyniad i weithredu'r cynnig i gau Ysgol Rhewl ar 31 Awst 2017 a throsglwyddo'r disgyblion i Ysgol Pen Barras, Rhuthun, neu Ysgol Stryd y Rhos, Rhuthun yn dibynnu ar ddewis y rhieni.
- (iii) Bod ceisiadau am gludiant dewisol i'r ysgol categori 2 agosaf, yn cael eu hystyried fesul achos, gan ddisgyblion presennol Ysgol Rhewl am weddill eu haddysg gynradd.

## **4. Manylion yr Adroddiad**

- 4.1 Cyhoeddodd y Cyngor Rybudd Statudol ar 16 Mehefin, 2015 yn rhoi gwybod i fudd-ddeiliaid am y bwriad i gau Ysgol Rhewl ar 31 Awst 2017. Daeth cyfnod y rhybudd statudol o 28 diwrnod i ben ar y 13 Gorffennaf, 2015.

- 4.2 Yn unol â gofynion y cod trefniadaeth ysgolion newydd (<http://llyw.cymru/topics/educationandskills/publications/guidance/school-organisation-code/?skip=1&lang=cy>) cyhoeddwyd y cynigion ar wefan Cyngor Sir Ddinbych a ger y brif fynedfa i'r ysgolion presennol sy'n ymwneud â'r cynnig. Cafodd pob ysgol a oedd yn ymwneud â'r cynigion gopiâu caled o'r rhybudd i'w dosbarthu i ddisgyblion, rhieni a gwarcheidwaid, ac aelodau staff (gall yr ysgolion ddosbarthu'r rhybudd trwy e-bost).
- 4.3. Ar ddiwrnod cyhoeddi'r cynigion, derbyniodd y rhai a ymgynghorir â nhw a restrir yn Atodiad 3 naill ai gopi caled o'r cynigion neu e-bost gyda dolen i'r wefan berthnasol.
- 4.4 Roedd yn rhaid i bob gwrthwynebiad a gyflwynwyd yn ystod y cyfnod rhybudd gael ei wneud yn ysgrifenedig neu drwy e-bost. Ar ddiwedd y cyfnod ymgynghori ar 13 Gorffennaf, 2015 roedd y Cyngor wedi derbyn 60 gwrthwynebiad unigol gan aelodau o'r Gymuned.

### Proses

- 4.5 Wrth benderfynu ar gynigion mae'r Cod Trefniadaeth Ysgolion yn datgan bod yn **rhaid** i'r rhai sy'n gwneud penderfyniadau:
- ystyried a oes unrhyw gynigion cysylltiedig eraill;
  - sicrhau bod yr ymgynghoriad statudol wedi cael ei gynnal yn unol â'r Cod hwn; <http://llyw.cymru/topics/educationandskills/publications/guidance/school-organisation-code/?lang=cy>
  - sicrhau bod y cynnig wedi cael ei gyhoeddi yn unol â'r Cod hwn a bod y rhybudd yn cynnwys yr holl wybodaeth ofynnol;
  - ystyried y ddogfen ymgynghori a'r adroddiad ymgynghori;
  - ystyried y gwrthwynebiadau a'r adroddiad gwrthwynebiad ac unrhyw ymatebion i'r rhybudd sy'n cefnogi'r cynigion;
- 4.6 Dan adran 54 Deddf Safonau a Threfniadaeth Ysgolion (Cymru) 2013 gall awdurdod lleol arall yr effeithir arno gan y cynigion, o fewn 28 diwrnod, gyfeirio'r cynnig i'r Gweinidog yn Llywodraeth Cymru i'w hystyried.
- 4.7 Mae'r Cod Trefniadaeth Ysgolion yn datgan yn glir "lle mae cynigion awdurdod lleol wedi derbyn gwrthwynebiadau, ac angen cael eu penderfynu o dan adran 53 Deddf 2013, **ni ddylai'r** awdurdod lleol wneud y penderfyniad ar y cynigion hyn gyda meddwl caeedig. **Rhaid** ystyried gwrthwynebiadau yn gydwybodol ochr yn ochr â'r dadleuon o ran y cynigion ac yn wyneb y ffactorau a nodwyd yn adran 1.3 - 1.14 y Cod hwn."
- 4.8 Wrth ystyried y cais dylai'r Cabinet roi ystyriaeth i'r ffactorau a amlygwyd o fewn y cod sy'n cynnwys ansawdd a safonau mewn addysg, yr angen am leoedd ac effaith ar hygyrchedd ysgolion, adnoddau ar gyfer addysg a goblygiadau ariannol eraill fel y nodwyd yn y Cod Trefniadaeth Ysgolion. Mae Atodiad 1, yr Adroddiad Penderfynu yn darparu crynodeb i'r Cabinet o'r ffactorau i'w hystyried cyn penderfynu ar unrhyw gynnig.

- 4.9 Yn ychwanegol, yn unol â Deddf 2013 mae'n ofynnol i'r Cabinet roi ystyriaeth lawn i'r gwrthwynebiadau a dderbyniwyd gan y Gymuned i'r cynnig. Mae'r gwrthwynebiadau wedi cael eu crynhoi mewn Adroddiad Gwrthwynebiadau sy'n manylu ar y gwrthwynebiadau a dderbyniwyd ac ymateb yr awdurdod lleol i'r pryderon hyn. Mae hwn ynghlwm fel Atodiad 2.

### **Argymhellion y Pwyllgorau Archwilio**

- 4.10 Adolygodd y Pwyllgor Archwilio Perfformiad benderfyniad y Cabinet i gyhoeddi rhybuddion statudol yn ei gyfarfod ar 9 Mehefin. Penderfynodd y Pwyllgor nad oedd digon o dystiolaeth i ofyn i'r Cabinet ystyried ei benderfyniad ar 2 Mehefin i gyhoeddi rhybudd statudol i gau Ysgol Rhewl, ond i argymhell i'r Cabinet:

*Dylai gyfarwyddo'r swyddogion yn ystod y cyfnod ymgynghori ar ôl cyhoeddi rhybuddion statudol i ymgymryd â gwaith i asesu a lliniaru effeithiau colli darpariaeth iaith Gymraeg ar y gymuned a sicrhau na fyddai colli ysgol dwy ffrwd yn anafanteisiol i ddisgyblion yr ardal yn y dyfodol;*

*(b) Gwneud gwaith pellach gyda disgyblion, rhieni, staff a budd-ddeiliaid eraill Ysgol Rhewl i ymdrin â'u pryderon sy'n ymwneud â chapasiti safle Glasdir, rheoli cludiant ar safle'r ysgol newydd a phryderon diogelwch ffordd rhwng Rhewl a Glasdir; a*

*(c) Yr adroddir ar ganfyddiadau'r gwaith a nodir yn (a) a (b) uchod i'r Cabinet yn hydref 2015 pan gyflwynir yr adroddiad gwrthwynebiadau mewn ymateb i gyhoeddi'r hysbysiad statudol.*

- 4.11 Mae swyddogion wedi cyfarfod â'r Pennaeth, Cadeirydd y Llywodraethwyr a'r Aelod Lleol ar sawl achlysur i drafod materion. Mae manylion yr ymateb i'r materion hyn a gyflwynwyd iddynt yn Atodiad D ac E.

## **5. Sut mae'r penderfyniad yn cyfrannu at y Blaenoriaethau Corfforaethol?**

- 5.1 Mae'r cynnig yn cefnogi'r flaenoriaeth o "Wella perfformiad mewn addysg ac ansawdd ein hadeiladau ysgol" ac wedi'i amlygu fel ffrwd waith fel a ganlyn: "Byddwn yn parhau i adolygu darpariaeth ysgol ar draws y Sir i sicrhau ein bod yn darparu'r nifer cywir o leoedd ysgol, a'u bod o'r math cywir, yn y lleoliad cywir."

## **6. Faint fydd hyn yn ei gostio a sut y bydd yn effeithio ar wasanaethau eraill?**

- 6.1 Ni fydd y cynnig yn cael effaith ar wasanaethau eraill o fewn y sefydliad.
- 6.2 Os caiff yr argymhelliad ei gymeradwyo, gallai costau cludiant gynyddu ar gyfer y cyfnod penodol hyd nes y mae'r disgyblion presennol wedi gadael addysg gynradd, oherwydd y defnydd posibl o gludiant dewisol.

7. **Beth yw prif gasgliadau'r Aseiad o Effaith ar Gydraddoldeb (AEC) a gynhaliwyd ar y penderfyniad? Dylai'r templed AEC wedi'i lenwi gael ei atodi fel atodiad i'r adroddiad.**

- 7.1 Prif effaith y cynnig hwn fyddai newid yn yr amgylchedd dysgu ar gyfer disgyblion presennol yr ysgol yn y man cau.
- 7.2 Gallai'r cynnig gael effaith gadarnhaol ar rai o'r nodweddion a ddiogelir, yn benodol anabledd. Mae'r cynnig yn argymhell bod disgyblion presennol yn trosglwyddo i gyfleusterau addysgol newydd, wedi'u hadeiladu'n bwrpasol a fyddai'n cydymffurfio'n llawn â'r Ddeddf Gwahaniaethu ar sail Anabledd. Mae'r Aseiad o Effaith ar Gydraddoldeb ynghlwm fel Atodiad 4.

## **8. Pa ymgynghoriadau a gynhaliwyd gyda'r Pwyllgorau Archwilio ac eraill?**

- 8.1 Mae ymgynghoriad llawn wedi ei gynnal gyda'r holl fudd-ddeiliaid a chyflwynwyd canfyddiadau'r cyfnod Ymgynghori Ffurfiol i'r Cabinet ar 2 Mehefin 2015. Mae crynodeb o'r gwrthwynebiadau a gyflwynwyd yn ystod y cyfnod rhybudd statudol yn yr adroddiad gwrthwynebiadau.

## **9. Datganiad y Prif Swyddog Cyllid**

- 9.1 "Bydd y cynnig i gau Ysgol Rhewl yn rhyddhau £150,000 o arbedion heb eu harwain gan ddisgyblion a fydd yn cael eu defnyddio i helpu ariannu'r cynllun corfforaethol, gan gynnwys y rhaglen uchelgeisiol o fuddsoddi mewn adeiladau ysgolion. Fodd bynnag, bydd angen i unrhyw gostau cludiant ychwanegol gael eu hariannu o'r arbediad hwn. Mae cau hefyd yn rhoi'r posibilrwydd o gynhyrchu derbyniad cyfalaf."

## **10. Pa risgiau sydd ac a oes unrhyw beth y gallwn ei wneud i'w lleihau?**

Mae posibilrwydd cryf y gallai'r cynnig arwain at gyhoeddusrwydd anffafriol i'r Cyngor a sylwadau cyhoeddus andwyol.

Er mwyn lleihau'r risg hon, bydd y Cyngor yn ceisio sicrhau cyfathrebu clir gyda'r holl fudd-ddeiliaid.

## **11. Pŵer i wneud y Penderfyniad**

Deddf Safonau a Sefydliadau Ysgol (Cymru) 2013  
Fframwaith Bolisi Moderneiddio Addysg (cymeradwywyd gan y Cabinet ym mis Ionawr 2009)